

全上古三代秦漢三國六朝文

全後漢文卷八十八

烏程嚴可均校輯

仲長統

昌言上

謹案隋志雜家仲長子昌言十二卷錄一卷漢尚書郎仲長統撰舊唐志作十卷新唐志移入儒家亦十卷崇文總目稱今所存十五篇分爲二卷餘皆亡郡齋讀書志直齋書錄解題不著錄明陳第世善堂書目有二卷其刻本僅見明胡維新兩京遺編有理亂損益法誠三篇歸有光諸子彙函有理亂損益二篇皆出本傳無所增多則北宋十五篇本又復佚失今從羣書治要寫出九篇益以本傳三篇以意林次第之刺取各書引見補正脫譌定著二卷其遺文墜句于原次無考依各書先後附于末本傳統山陽高平人著論三十四篇十餘萬言今此搜輯纔

萬餘言亡者蓋十八九而治要所載又頗刪節斷續孤離殆所不免然其間陳善道指柯時弊剴切之忱踴厲震盪之氣有不容摩滅者繆熙伯方之董賈劉揚非過譽也嘉慶二十年太歲在乙亥三月十五日

篇名
缺

德教者人君之常任也而刑罰爲之佐助焉古之聖帝明王所已能親百姓訓五品和萬邦蕃黎民召天地之嘉應降鬼神之吉靈者實德是爲而非刑之攸致也至于革命之期運非征伐用兵則不能定其業姦宄之成羣非嚴刑峻法則不能破其黨時勢不同所用之數亦宜異也教化曰禮義爲宗禮義曰典籍爲本常道行于百世權宜用于一時高辛已往則聞其人不見其書唐虞夏殷則見其書不詳其事周氏已來載籍具矣高辛已下三十得而易者也故制不足則引之無所至禮無等則用之不可依法二字從意林補所不可

無常則網羅當道路敝不明則士民無所信引之無所至則難以致治用之不可依則無所取正網羅當道路則不可得而避士民無所信則其志不知所定非治理之道也誠令方來之作禮簡而易用儀省而易行法明而易知敎約而易從篇章既著勿復刊刻儀故既定勿復變易而人主臨之曰至公行之曰至仁

本作為忠仁依文選庚

元規謚中書令表注改

壹德于恆久先之用已身又使通治亂之大體者總

綱紀而爲輔佐知稼穡之艱難者親民事而布惠利政不分于外戚之家權不入于宦豎之門下無侵民之吏京師無佞邪之臣則天神可降地祇可出大治之後有易亂之民者安寧無故邪心起也大亂之後有易治之勢者創艾禍災樂生全也刑繁而亂益甚者法難勝避苟免而無恥也敎興而罰罕用者仁義相厲廉恥成也任循吏于大亂之會必有恃仁恩之敗用酷吏于清治之世必有殺良民之殘此其大數也我有公心焉則士民不敢念其私矣

我有平心焉則士民不敢行其險矣我有儉心焉則士民不敢放其奢矣此躬行之所徵者也開道塗焉起提防焉舍我塗而不由踰提防而橫行逆我政者也誥之而知罪可使悔過于後矣誥之而不知罪明刑之所取者也敎有道禁不義而身曰先之令德者也身不能先而總略能行之嚴明者也忠仁爲上勤曰守之其成雖遲君子之德也誦詐曰御其下欺其民而取其心雖有立成之功至德之所不貴也

萃書治要

理亂篇

豪傑之當天命者未始有天下之分者也無天下之分故戰爭者競起焉于斯之時竝僞假天威矯據方國擁甲兵與我角才智程勇力與我競雌雄不知去就疑誤天下蓋不可數也角知者皆窮角力者皆負形不堪復仇勢不足復校乃始羈首係頸就我之銜繼耳夫或曾爲我之尊長矣或曾與我爲等儔矣或曾臣虜我矣

或曰執因我矣彼之蔚蔚皆何嘗腹詛幸我之不成而已奮其前
志詎有用此爲終死之分邪及繼體之時民心定矣普天之下賴
我而得生育由我而得富貴安居樂業長養子孫天下宴然皆歸
心于我矣豪傑之心既絕士民之志已定豈有常家尊在一人當
此之時雖下愚之才居之猶能使恩同天地威侔鬼神暴風疾霆
不足召方其怒陽春時雨不足召喻其澤周孔數千無所復角其
聖賁育百億無所復奮其勇矣彼後嗣之愚主見天下莫敢與之
違自謂若天地之不可亡也乃奔其私嗜意林作情騁其邪欲君臣宣
淫上下同惡目極角觝之觀耳窮鄭衛之聲入則耽于婦人而不
反出則馳于田獵而不還而不反而不還六字依意林補意林晚作騁獵作七荒廢庶政棄
亡人物澶漫彌流無所底極信任親愛者盡佞諂容說之人也寵
貴隆豐者盡后妃姬妾之家也使饑狼守庖廚飢虎牧牛豚遂至
熬天下之脂膏斲生人之骨髓怨毒無聊禍亂竝起中國擾攘四

夷侵叛土崩瓦解一朝而去昔之爲我哺乳之子孫者今盡是我
飲血之寇讎也至于運徙勢去意林作命移運去猶不覺悟者豈非富貴
生不仁沈溺致愚疾邪存亡已之迭代政亂從此周復天道常然
之大數也又政之爲理者取一切而已非能斟酌賢愚之分已開
盛衰之數也日不如古爾已遠甚豈不然邪漢興已來相與同爲
編戶齊民而呂財力相君長者世無數焉而清潔之士徒自苦于
荻棘之間無所益損于風俗也豪人之室連棟數百膏田滿野奴
婢千羣徒附萬計船車賈販周于四方廢居積貯滿于都城琦路
寶貨巨室不能容馬牛羊豕山谷不能受妖童美妾填乎綺室倡
謳妓樂列乎深堂賓客待見而不敢去車騎交錯而不敢進三牲
之肉臭而不可食清醇之酎敗而不可飲階盼則人從其目之所
視喜怒則人隨其心之所慮此皆公侯之廣樂君長之厚賞也苟
能運智許者則得之焉苟能得之者人不日爲罪焉源發而橫流

路開而四通矣。求士之舍榮樂而居窮苦，棄放逸而赴束縛，夫誰
肯爲之者邪？夫亂世長而化世短，亂世則小人貴寵，君子困賤，當
君子困賤之時，踟高天，踳厚地，猶恐有鎮厭之禍也。逮至清世，則
復入于矯枉過正之檢，老者老矣，不能及寬饒之俗，少者方壯，將
復困于衰亂之時，是使姦人擅無窮之福利，而善士挂不赦之罪
辜。苟目能辯色，耳能辯聲，口能辯味，體能辯寒溫者，將皆曰修絜
爲諱惡，設智巧以避之焉。況有安而樂之者邪？斯下世人主一
切之愆也。昔春秋之時，周氏之亂世也，逮乎戰國，則又甚矣。秦政
乘并兼之勢，放虎狼之心，屠裂天下，吞食生人，暴虐不已。呂招楚
漢，用兵之苦，甚于戰國之時也。漢二百年，而遭王莽之亂，計其殘
夷滅亡之數，又復倍乎秦項矣。呂及今日，名都空而不居，百里絕
而無民者，不可勝數。此則又甚于亡新之時也。悲夫，不及五百年
大難三起，中間之亂，尙不數焉。變而彌猜，下而加酷，推此呂往，可

及于盡矣。嗟乎！不知來世聖人救此之道，將何用也？又不知天若窮此之數，欲何至邪？

本傳

損益篇

作有利于時，制有便于物者，可爲也。事有乖于數，法有骛于時者，可改也。故行于古有其迹，用于今無其功者，不可不變。變而不如前易，而多所敗者，亦不可不復也。漢之初興，分王子弟，委之曰：土民之命，假之曰：殺生之權。于是驕逸自恣，志意無厭，魚肉百姓，曰：盈其欲，報蒸骨血。曰：使其情，上有篡叛不軌之姦，下有暴亂殘賊之害。雖藉親屬之恩，蓋源流形勢使之然也。降爵削土，稍稍割奪，卒至于坐食奉祿而已。然其沔穢之行，淫昏之罪，猶尙多焉。故淺其根本，輕其恩義，猶尙假一日之尊，收士民之用。況專之于國，擅之于嗣，豈可鞭笞叱咤，而使唯我所爲者乎？時政彫敝，風俗移易，純樸已去，智慧已來，出于禮制之防，放于嗜欲之域久矣。固不可

授之曰柄、假之曰資者也。是故收其奕世之權、校其從橫之勢、善者早登、否者早去、故下土無壅滯之士、國朝無專貴之人。此變之善、可遂行者也。井田之變、豪人貨殖、館舍布于州郡、田畝連于方國、身無半通青綸之命、而竊三辰龍章之服、不爲編戶一伍之長、而有千室名邑之役、榮樂過于封君、勢力侔于守令、財賂自營、犯法不坐、刺客死士、爲之投命、致使弱力少智之子、被穿帷敗、寄死不斂、冤枉窮困、不敢自理。雖亦由網禁疏闊、蓋分田無限使之然也。今欲張太平之紀綱、立至化之基趾、齊民財之豐寡、正風俗之奢儉、非井田實莫由也。此變有所敗、而宜復者也。肉刑之廢、輕重無品、下死則得髡鉗、下髡鉗則得鞭笞、死者不可復生、而髡者無傷于人、髡笞不足已懲中罪、安得不至于死哉。夫雞狗之攘竊、男女之淫奔、酒醴之賂遺、謬誤之傷害、皆非值于死者也。殺之則甚重、髡之則甚輕、不制中刑、已稱其罪、則法令安得不參差、殺生安

得不過謬乎。今患刑輕之不足，已懲惡則假威貨，已成罪託疾病。已諱殺，科條無所準，名實不相應，恐非帝王之通法。聖人之良制也。或曰：過刑惡人可也，過刑善人豈可復哉？曰：若前政已來，未曾枉害善人者，則有罪不死也，是爲忍于殺人也；而不忍于刑人也。今令五刑有品，輕重有數，科條有序，名實有正，非殺人逆亂鳥獸之行甚重者，皆勿殺。嗣周氏之秘典，續呂侯之祥刑，此又宜復之善者也。易曰：陽一君二臣，君子之道也；陰二君一臣，小人之道也。然則寡者爲人上者也，眾者爲人下者也；一伍之長，才足；百長一伍者也；一國之君，才足；百君一國者也。天下之王，才足；百王天下者也。愚役于智，猶枝之附輪，此理天下之常法也。制國已分人，立政已分事，人遠則難綏，事總則難了。今遠州之縣界，界字從通，或相去數百千里，雖多山陵沔澤，猶有可居人種穀者焉。而諸夏有十畝共桑之迫，遠州有曠野不發之田，代俗安土，有死無去。君長

不使誰能自往絲邊之地亦可因罪徙人使于守禦而諸夏下四
典一當更制其境界使遠者不過二百里明版籍已相數間審什
伍已相連持限夫田已斷并兼定五刑已救死亡益君長已興政
理急農桑已豐委積去末作已一本業敦敦學已移情性表德行
已厲風俗覈才執已敘官宜簡精悍已習師田修武器已存守戰
嚴禁令已防僭差信賞罰已驗懲勸糾游戲已杜姦邪察苛刻已
絕煩暴審此十六者已爲政務操之有常課之有限安寧勿懈墮
有事不迫遽聖人復起不能易也向者天下戶過千萬除其老弱
但戶一丁壯則千萬人也遺漏既多又蠻夷戎狄居漢地者尙不
在焉丁壯十人之中必有堪爲其什伍之長推什長已上則百萬
人也又什取之則佐史之才已上十萬人也又十取之則可使在
政理之位者萬人也已筋力用者謂之人人求丁壯已才智用者
謂之士士貴耆老充此制已用天下之人猶將有儲何嫌乎不足

也。故物有不求，未有無物之歲也。士有不用，未有少士之世也。夫如此而後，可曰用天性，究人理，興頓廢，屬斷絕，網羅遺漏，拱挾天人矣。或曰：善爲政者，欲除煩去苛，并官省職，爲之曰：無爲，事之曰：無事。何子之言云云也？曰：若是三代不足慕，聖人未可師也。君子用法制而至于化，小人用法制而至于亂，均是一法制也。或曰：之化，或曰：之亂，行之不同也。苟使豺狼牧羊豚，盜跖主征稅，國家昏亂，吏人放肆，則惡復論損益之間哉？夫人待君子然後化理，國待蓄積乃無憂患，君子非自農桑，曰求衣食者也。蓄積非橫賦斂，曰取優餽者也。奉祿誠厚，則制剝貿易之罪，乃可絕也。蓄積誠多，則兵寇水旱之災，不足苦也。故由其道而得之，民不曰爲奢，由其道而取之，民不曰爲勞。天災流行，開倉庫，曰稟貸，不亦仁乎？衣食有餘，損靡麗，曰散施，不亦義乎？彼君子居位爲士民之長，固宜重肉累帛，朱輪四馬，今反謂薄屋者爲高，菲食者爲清，旣失天地之性。

又開虛僞之名、使小智居大位、庶績不成、熙末必不由此也。得拘
繫而失才能、非立功之實也。曰廉舉而曰貪去、非士君子之志也。
夫選用必取善士、善士富者少而貧者多、祿不足、曰供養、安能不
少營私門乎？從而罪之、是設機置罟、以待天下之君子也。盜賊凶
荒、九州代作、饑饉暴至、軍旅卒發、橫稅弱人、割奪吏祿、所恃者寬
所取者狠、萬里懸乏、首尾不救、徭役並起、農桑失業、兆民呼嗟于
昊天、貧窮轉死于溝壑矣。今通肥饒之率、計稼穡之入、令畝收三
斛、斛取一斗、未爲甚多、一歲之閒、則有數年之儲、雖興非法之役、
恣奢侈之欲、廣愛幸之賜、猶未能盡也。不循古法、規爲輕稅、及至
一方有警、一面被災、未逮三年、校計騫矩、坐視戰士之蔬食、立望
餓殍之滿道、如之何爲君行此政也？二十稅一、名之曰貺、況三十
稅一乎？夫薄吏祿、曰豐軍用、緣于秦征諸侯、續曰四夷、漢承其業、
遂不改更、危國亂家、此之由也。今田無常民、民無常居、吏食日稟、

祿班未定可爲法制畫一定科租稅十一更賦如舊今者土廣民稀中地未墾雖然猶當限已大家勿令過制其地有草者盡曰官田力堪農事乃聽受之若聽其自取後必爲姦也

本傳

法誠篇

周禮六典冢宰貳王而理天下春秋之時諸侯明德者皆一卿爲政爰及戰國亦皆然也秦兼天下則置丞相而貳之曰御史大夫自高帝逮于孝成因而不改多終其身漢之隆盛是惟在焉夫任一人則政專任數人則相倚政專則和諧相倚則違戾和諧則太平之所興也違戾則荒亂之所起也光武皇帝愠數世之失權忿彊臣之竊命矯枉過直政不任下雖置三公事歸臺閣自此已來三公之職備員而已然政有不理猶加譴責而權移外戚之家寵被近習之豎親其黨類用其私人內充京師外布列郡顛倒賢愚貿易選舉疲驚守境貪殘牧民撓擾百姓忿怒四夷招致乖叛亂

離斯瘼怨氣竝作陰陽失和三光虧缺怪異數至蟲螟食稼水旱
爲災此皆賊宦之臣所致然也反召策讓三公至于死免乃足爲
叫呼倉天號咷泣血者也又中世之選三公也務于清惡謹愼循
常習故者是婦女之檢柙鄉曲之常人耳惡足召居斯位邪勢旣
如彼選又如此而欲望三公勳立于國家績加于生民不亦遠乎
昔文帝之于鄧通可謂至愛而猶展申屠嘉之志夫見任如此則
何患于左右小臣哉至于近世外戚宦豎請託不行意氣不滿立
能陷人于不測之禍惡可得彈正之哉曩者任之重而責之輕今
者任之輕而責之重昔賈誼感絳侯之困辱因陳大臣廉恥之分
開引自裁之端自此召來遂召成俗繼世之主生而見之習其所
嘗曾莫之悟嗚呼可悲夫左手據天下之圖右手刎其喉愚者猶
知難之況明哲君子哉光武奪三公之重至今而加甚不假后黨
召權數世而不行蓋親疏之勢異也母后之黨左右之人有此至

親之勢故其貴任萬世嘗然之敗無世而無之莫之斯鑒亦可痛矣末若置丞相自總之若委三公則宜分任責成夫使爲政者不當與之婚姻婚姻者不當使之爲政也如此在位病人舉用失賢百姓不安爭訟不息天地多變人物多妖然後可曰分此罪矣或曰政在一人權甚重也曰人實難得何重之嫌昔者霍禹竇憲鄧騭梁冀之徒藉外戚之權管國家之柄及其伏誅曰一言之詔詰朝而決何重之畏乎今夫國家漏神明于媒近輸權重于婦黨算十世而爲之者八九焉不此之罪而彼之疑何其詭邪

本傳

賜進士出身一品銜廣東等處提刑按察使司按察使兼管驛傳事務萬國王毓藻校刊

全後漢文卷八十九

烏程嚴可均校

仲長統

昌言下

此下篇名並缺

建旗伐鼓、高峰明候、守邊之猛將、非中國之良吏、和鑿法駕、清道而行、便辟揖讓、諸夏之威儀、非夷狄之有也。林

廉隅貞潔者、德之令也、流逸奔隨者、行之汙也、風有所從來、俗有所由起、病其末者、刈其本、惡其流者、塞其源、夫男女之際、明別其外、內遠絕其聲音、激厲其廉恥、塗塞其虧隙、由尙有伺心之逸念、睇盼之過視、而況開其門、導其徑者乎、今嫁娶之會、捶杖目督之、戲謔酒醴、目趣之情、欲宣淫佚于廣眾之中、顯陰私于族親之間、汗風詭俗、生淫長奸、莫此之甚、不可不斷者也。羣書治要

董賢之于哀帝無骨肉絲髮之親又不能傳其氣類定其繼嗣已
丈夫宴接之歡自成膠漆也

林意

漢興已來皆引母妻之黨爲上將謂之輔政而所賴已治理者甚
少而所坐已危亡者甚眾妙采于萬夫之望其良猶未可得而遇
也況欲求之兆妾之黨取之于驕盈之家微天幸已自獲其人者
哉夫已丈夫之智猶不能久處公正長思利害耽榮樂寵死而後
已又況愚人之愚而望其遵巡正路謙虛節儉深圖遠慮爲國家
校計者乎故其欲關豫朝政愜快私願是乃理之自然也昔趙綰
舊有自字今刪趙綰事見申公傳其獲罪因不奏事太后可補班書之闕不奏事于太后而受不測之
罪王章陳日蝕之變而取背叛之誅夫二后不甚名爲無道之婦
人猶尙如此又況呂后飛燕傳昭儀之等乎夫母之于我尊且親
于其私親亦若我父之欲厚其父兄子弟也妻之于我愛且媒于
其私親亦若我之欲盡孝順于慈母無

所擇事矣我之欲效恩情十愛妻妾亦無所擇力矣而所求于我

者使非我有四體之勞苦肌膚舊有川之疾病也夫曰此歎唾盼

睇之間至易也誰能違此者乎唯不世之主抱獨斷絕異之明有

堅剛不移之氣然後可庶幾其不陷沒流淪耳

羣書治要

景帝顯位刺史者皆是宦臣子弟猶如豺狼守肉鬼魅侍疾

林意

日在天之內在人之外意林案對子心隱作日在天之外而心在人之內

宦豎者傳言給使之臣也拚埽是為超走是供傳近本作傳延從文選宦者傳

論注房臥之內交錯婦人之閒又亦實刑者之所宜也天文宦者

四星在帝坐傍而周禮有其官職至于武皇游宴後庭置中書之

官領受軍事天文下三十四字從文選宦者傳論注補孝宣之世則曰弘恭為中書令

石顯為僕射中宗嚴明二豎不敢容錯其奸心也後豎孝元常抱

病而畱奸于音樂悉曰樞機委之石顯則昏迷霧亂之政起而仇

忠害正之禍成矣嗚呼父子之間相監至近而明闇之分若此豈

不良足悲邪孝桓皇帝起自蠡吾而登至尊侯覽張讓之等曰亂

承亂政令多門權利竝作迷荒帝主濁亂海內高命命借爲明易繫辭而命之

釋文孟木作明士惡其如此直言正論與相摩切被誣見陷謂之黨人靈

皇帝登自解犢口繼孝桓中常侍曹節侯覽等造爲維綱帝終不

寢寵之日隆唯其所言無求不得凡貪淫放縱僭凌橫恣撓亂內

外蠶噬民化隆自順桓之時盛極孝靈之世前後五十餘年天下

亦何緣得不破壞邪古之聖人立禮垂典使子孫少在師保不令

處于婦女小人之間蓋猶見此之良審也

羣書治要

和神氣懲思慮避風溼節飲食適嗜欲此壽考之方也不幸而有

疾則鍼石湯藥之之所去也肅禮容居中正康道德履仁義敬天

地恪宗廟此吉祥之術也不幸而有災則克己責躬之所復也然

而有禱祈之禮史巫之事者盡中正竭精誠也下世有脫字其本而

爲姦邪之階于是淫厲亂神之禮興焉的張變怪之言起焉丹書

厭勝之物作焉。故常俗忌諱可笑事時。世之所遂往而通人所深疾也。且夫掘地九仞以取水。鑿山百步以攻金。入林伐木不卜日。適野刈草不擇時。及其構而居之。制而用之。則疑其吉凶。不亦迷乎。簡郊社。慢祖禰。逆時令。背大順。而反求福祐于不祥之物。取信誠于愚惑之人。不亦謬乎。彼國家畫舍轉局指天者。不能自便室家。滑利子孫貴富。而望其能致之于我。不亦惑乎。今有嚴禁于下。而上不去。非教化之法也。諸厭勝之物。非禮之祭。皆所宜急除者也。情無所止。禮爲之儉。欲無所齊。法爲之防。越禮宜貶。踰法宜刑。先王之所已。紀綱人物也。若不制此二者。人情之縱橫馳騁。誰能度其所極者哉。表正則影直。範端則器良。行之于上。禁之于下。非元首之教也。君臣士民。並順私心。又大亂之道也。頃皇子皇女有夭折。年未及殤。爵加王主之號。葬從成人之禮。非也。及下殤。日。上已有國邑之名。雖不合古制。行之可也。王侯者。所與共受氣于祖。

考幹合而枝分者也。性類純美，臭味芳香，孰有加此乎？然而生長于驕溢之處，自恣于色樂之中，不聞典籍之法言，不因師傅之良教，故使其心同于夷狄，其行比于禽獸也。長幼相效，子孫相襲，家曰爲風，世曰爲俗，故姓族之殷，不與王侯婚者，不曰其五品不和；睦、閨門不潔盛邪？所貴于善者，曰其有禮義也；所賤于惡者，曰其有罪過也。今日所貴者，教民；曰所賤者，教親，不亦悖乎？可令王侯子弟悉入大學，廣之曰他山，肅之曰二物，則腥臊之汗可除，而芬芳之風可發矣。羣書治要

有天下者，莫不君之曰王，而治之曰道。道有大中，所曰爲貴也。又何慕于空言高論難行之術哉？今爲宮室者，崇臺數十層，長階十百仞，延袤臨浮雲，上樹九花旗，珠玉翡翠，曰爲飾，連幃爲城，構帳爲宮，起今爲下四十一字從藝文類聚六十一補臺榭則高數十百尺，壁藝文類聚作壁帶加珠玉之物，木土被綈錦之飾，不見夫之女子成市于宮中，未曾御

之婦人生幽于山陵繼體之君誠欲行道雖父之所興可有所壞者也雖父之美人可有所嫁者也至若門庭足曰容朝賀之會同公堂足曰陳千人之坐席臺榭足曰覽都民之有無防閑足曰殊五等之尊卑宇殿高顯微而不加曰雕采之巧錯塗之飾是自文其中也苑囿池沼百里而還使芻蕘雉菟者得時往焉隨農郊而講事因田狩曰教戰上虞郊廟下虞賓客是又自有肌其中也嫡庶之數使從周制妾之無子與希幸者曰時出之均齊恩施曰廣子姓使令之人取足相供時其上下通其隔曠是又自然其中也在位之人有乘柴馬弊車者矣有食菽藿者矣有親飲食之蒸烹者矣有過客不敢沽酒市脯者矣有妻子不到官舍者矣有還奉祿者矣有辭爵賞者矣莫不稱述曰爲清邵非不清邵而不可曰言中也好節之士有遇君子而不食其食者矣有妻子凍餒而不納善人之施者矣有茅茨蒿屏而上漏下溼者矣有窮居僻處

求而不可得見者矣莫不歎美曰爲高潔此非不高潔而不可曰
言中也夫世之所曰高此者亦有由然先古之制休廢時王之政
不平直正不行詐僞獨售于是世俗同共知節義之難復持也乃
舍正從邪背道而馳奸彼獨能介然不爲故見貴也如使王度昭
明祿除從古服章不中法則詰之曰典制貨財不及禮則問之曰
志故向所稱曰清邵者將欲何矯哉向所歎云高潔者將曰何厲
哉故人主能使還時詭俗之行無所復剴摩困苦難爲之約無所
復激切步驟乎平夷之塗偃息乎大中之居人享其宜物安其所
然後足曰稱賢聖之王公中和人

當作

君子矣

羣書治要

古者君之于臣無不荅拜也雖王者有變不必相因猶宜存其大
者御史大夫三公之列也今不爲起非也爲太子時太傅卽位之
後宜常荅其拜少傅可比三公爲之起周禮主爲三公六卿錫衰
爲諸侯總衰爲大夫士疑衰及于其病時皆自問焉古禮雖難悉

奉行師傅三公所不宜闕者也。凡在京師大夫曰上疾者可遣使修賜問之恩，州牧郡守遠者其死然後有弔贈之禮也。坐而論道謂之三公，作而行之謂之士大夫，論道必求高明之士，幹事必使良能之人，非獨三太三少可與言也。凡在列位者皆宜及焉。故士不與其言，何目知其術之淺深，不試之事，何目知其能之高下？與羣臣言議者，又非但用觀彼之志行，察彼之才能也？乃所目自弘天德，益聖性也。有脫文猶十五志學，朋友講習，自強不息，德與年進，至于七十，然後從心而不踰矩，況于不及中規者乎？而不自勉也。公卿列校，侍中尚書，皆九州之選也，而不與之從容言議，諮論古事，訪國家正事，問四海豪英，琢磨珪璧，染練金錫，何目昭仁心于民物，廣令聞于天下哉？人主有常不可諫者五焉：一曰廢后黜正，二曰不節情欲，三曰專愛一人，四曰寵幸佞諂，五曰驕貴外戚，廢后黜正，覆其國家者也；不節情欲，伐其性命者也；專愛一人，絕其

繼嗣者也。寵幸佞諂，壅蔽忠正者也。驕貴外戚，淆亂政治者也。此爲疾痛在于膏肓，此爲傾危比于累卵者也。然而人臣破首分形，所不能救止也，不忌。當作忠初故仁也，曰計御情智也，曰嚴專制禮也。豐之曰財，而勿與之位，亦足曰爲恩也。封之曰土，而勿與之權，亦足曰爲厚也。何必友。疑有誤舊校云思當作久年彌世，惑賢亂國，然後于我心乃快哉。羣書治要

人愛我我愛之，人憎我我憎之。意林

天下士有三俗：選士而論族姓閥閱，一俗；交遊趨富貴之門，二俗；畏服不接于貴尊，三俗。天下之士有三可賤：慕名而不知實，一可賤；不敢正是非，于富貴二可賤；向盛背衰，三可賤。意林

天下學士有三姦焉：實不知詳，不言，一也；竊他人之記，曰成已說，二也；受無名者移知者，三也。意林

知言而不能行，謂之疾。此疾雖有天醫，莫能治也。同于我者何必

可愛異于我者何必可憎智足曰立難成之事能足曰圖口口口

口附者不黨疏者不遺

林意

婦人有朝哭頁人暮適他士涉歷百庭顏色不愧今公侯之宮卿士之家侍妾數十晝則曰醉酒淋其骨髓夜則曰房室輸其血氣

林意

人之性有山峙淵停者患在不通嚴剛貶絕者患在傷士廣大闊蕩者患在無檢和順恭慎者患在少斷端慤清潔者患在拘狹辯通有辭者患在多言安舒沈重者患在後時好古守經者患在不

變

林意

疏濯胸臆澡雪腹心使之芬香皓潔白不可汙也

林意

道德仁義天性也織之曰成其物練當作之曰致其情瑩之曰發

其光

文選廣絕交論注意林御覽四百三

人之事親也不去乎父母之側不倦乎勞辱之事唯父母之所言

也唯父母之所欲也于其體之不安則不能寢于其滄之不飽則不能食孜孜爲此日沒其身惡有爲此人父母而憎之者也人之事君也言無小大無所愆也事無勞逸無所避也其見識知也則不恃恩寵而加敬其見遺忘也則不懷怨恨而加勤安危不貳其志險易不革其心孜孜爲此日沒其身惡有爲此人君長而憎之者也人之交士也仁愛篤恕謙遜敬讓忠誠發乎內信效著乎外流言無所受愛憎無所偏幽闇本作闇意林作暗知是闇字則攻己之所短本攻人之短從御覽四百六改會同本作會友從意林御覽改則述人之所長有補所字從意林補下句倣此負我者我又加厚焉有疑我者我又加信焉意林無患字難必相恤利必相及恤利必相四字從意林補行潛德而不有立潛功而不名孜孜爲此日沒其身惡有與此人交而憎之者也故事親而不爲親所知是孝未至者也事君而不爲君所知是忠未至者也與人交而不爲人所知是信義未至者也父母怨咎人不日正己審其不然可違

而不報也。父母欲與人言官位爵祿而才實不可，可違而不從也。父母欲爲奢泰侈靡，言適心快意，可違而不許也。父母不好學問，疾子孫之爲之，意林作學之可違而學也。父母不好善士，惡子孫交意林作友之，可違而友也。士友有患，故待已而濟，父母不欲其行，可違而往也。故不可違而違，非孝也。可違而不違，亦非孝也。好，不違，非孝也。好，違，亦非孝也。其得義而已也。羣書治要

昔高祖誅秦項而陟天子之位，光武討篡臣而復已亡之漢，皆受命之聖主也。蕭曹丙魏平勃霍光之等，夷諸呂，尊大宗，廢昌邑，而立孝宣，經緯國家，鎮安社稷，一代之名臣也。二主數子之所已震威四海，布德生民，建功立業，流名百世者，唯人事之盡耳。無天道之學焉。然則王天下作大臣者，不待于知天道矣。所貴乎用天道者，則指星辰以授民事，順四時而興功業，其大略也。吉凶之祥，又何取焉。故知天道而無人略，當作事者是巫醫卜祝之伍，下愚不

齒之民也信天道而背人略者是昏亂迷惑之主覆國亡家之臣也問者曰治天下者壹之乎人事抑亦有取諸天道也曰所取于天道者謂四時之宜也所壹于人事者謂治亂之實也周禮之馮相保章其無所用邪曰大備于天人之道耳是非治天下之本也是非理生民之要也曰然則本與要奚所存邪曰王者官人無私唯賢是親勤卹政事屢省功臣賞錫期于功勞刑罰歸乎罪惡政平民安各得其所則天地將自從我而正矣休祥將自應我而集矣惡物將自舍我而亡矣求其不然乃不可得也王者所官者非親屬則寵幸也所愛者非美色則巧佞也曰同異爲善惡曰喜怒爲賞罰取乎麗女怠乎葛機黎民冤枉脫一字類殘賊雖五方之兆不失四時之禮斷獄之政不違冬日之期蓄龜積于廟門之中犧牲羣于麗碑之間馮相坐臺上而不下祝史伏壇旁而不去猶無益于敗亡也從此言之人事爲本天道爲末不具然與故審我已

善而不復恃乎天道上也。疑我未善，引天道以自濟者，其次也。不求諸己，而求諸天者，下愚之主也。令夫王者，誠忠心于自省，專思慮于治道，自省無愆，治道不謬，則彼嘉物之生，休祥之來，是我汲井而水出，爨竈而火燃者耳。何足已為賀者邪？故歡于報應，喜于珍祥，是劣者之私情，未可謂大上之公德也。

羣書治要

英辭雨集妙句雲來

意林北堂書鈔一百數賞類作英才若雨妙句如雲文選沈約宋書謝靈運傳論注作英

辭雨下

愛

當有惡字

相攻，命之自然也。愜快己志，人情之所欲也。

意林

嗽舌下泉咽之，名曰胎食。得道者，生六鬕于臂，長毛羽于腹，飛無

階之蒼天，度無窮之世俗。

意林

北方寒而其人壽，南方暑而其人夭。此寒暑之方，驗于人者也。鈞之蠶也，寒而餓之，則引日多；溫而飽之，則引日少。此寒溫餓飽之為修短，驗于物者也。

意林御覽八百二十五

行氣可已不飢不病吾始者未之信也至于爲之者盡乃然矣養性之方若此至約而吾未之能也豈不已心馳于世務思銳于人事故他人之不能者又必與吾同此疾也昔有明師知不死之道者燕君使人學之不捷而師死燕君怒其使者將加誅焉諫者曰夫所憂者莫過乎死所重者莫急乎生彼自喪其生亦安能令吾君不死也君乃不誅其諫辭則此爲良說矣然亦非至當之論使彼有不死之方若吾所聞行氣之法則彼說師之死者未必不知道也直不能棄世事而爲之故雖知之而無益耳非無不死之法者也

抱朴子內篇至理

河南密縣有卜成者學道經久乃與家人辭去其始步稍高遂入雲中不復見此所謂舉形輕飛白日昇天仙之上者也

抱朴子內篇至理

蒯子訓不知何郡人到陳公舍自云今日當死陳公與之一著單衣入室寢日中果死

御覽六百九十一

魏王所集方士名上黨王真隴西封君達甘陵甘始魯女生譙
國華佗字元化東郭延年唐靈冷壽光河南十式張紹薊子訓
汝南費長房鮮奴案魏國軍吏河南趙聖卿陽城郊儉字孟節
廬江左慈字元放右十六人魏文帝東阿王仲長統所說博物志五
典論又云王仲統云當作東阿王及仲長統云甘始左元放東郭延年行容
成御婦人法並爲丞相所錄間行其術亦得其驗降就道士劉
景受雲母九子元方年三百歲莫知所在武帝恆御此藥亦云
有驗劉德治淮南王獄得枕中鴻寶秘書及子向咸共奇之信
黃白之道可成謂神仙之道可致卒亦無驗乃曰罹罪也博物志五
案此二條出典論又與子建相亂非皆昌言
原文故附載焉自噉舌下泉已下當同在一篇
湯契後泰益後益卽皋陶子也意林案此已上依本傳治要意
林寫出不案仲長子原次已下各
書引見于原次無考
依各書先後錄之

使居有良田廣宅背山臨流溝池環市竹木周布場圃築前果園

樹後舟車足已代步涉之難使令足已息四體之役養親有兼珍
之膳妻孥無苦身之勞良朋萃止則陳酒肴已娛之嘉時吉日則
烹羔豚已奉之躡躅畦苑遊戲平林濯清水追涼風釣游鯉弋高
鴻諷于舞雩之下詠歸高堂之上安神閨房思老氏之玄虛呼吸
精和求至人之仿佛與達者數子論道講書俯仰二儀錯綜人物
彈南風之雅操發清霜之妙曲逍遙一世之上睥睨天地之間不
受當時之責永保性命之期如是則可已陵霄漢出宇宙之外矣
豈藝夫入帝王之門哉

木傳統常已爲凡遊帝王者欲已立身揚名耳而名不常存人生易滅優遊優仰可

昌言曰溝池自周竹木自取今此有溝池環而竹木周布二語知
卽三十四篇之一疑在自敘篇或常已上居名篇胡

維新兩京遺篇題爲樂志論而出之昌言外非也

天爲之時而我不農穀亦不可得而取之青春生焉時雨降焉始
之耕田終之簞簋惰者金之勤者鍾之矧夫不爲而尚平食也哉

齊民要術序

叢林之下，爲倉庾之坻，魚鼈之堀，爲耕稼之場者，此君長所用心也。是曰太公封而斥鹵，播嘉穀，鄧白成而關中無饑年，蓋食魚鼈而藪澤之形可見，觀草木而肥瘠之勢可知。齊民要術

稼穡不修，桑果不茂，畜產不肥，鞭之可也。施落不完，垣牆不平，埽除不淨，笞之可也。此督課之方也。且天子親耕，皇后親蠶，況夫田父而懷窳惰乎？齊民要術

鮑魚之肆，不自曰氣爲臭，四夷之人，不自曰食爲異，生習然也。居積習之中，見生然之事，孰自知也？斯何異蓼中之蟲，而不知藍之甘乎？齊民要術

宗均爲九江守，五日一聽事，夏曰旦，冬曰中。北堂書鈔未改本三十六清淨

公卿大夫，莫不先歷三七之官，雖有賢才，皆級次進，官之有級，猶階之有等也。北堂書鈔未改本四十九設官升階越等，其步也亂，登朝越等，敗禮傷法，是曰古人之初仕也。雖有賢才，皆曰級賜進焉。賈生有言，治

國取人務在求能故裁國之無利器猶鑊曰鉛刀而望其切不亦

疏乎御覽二百三

冢宰堯官也藝文類聚四十
五御覽二百六

今人主不思神芝朱草甘露零醴泉涌而患枇杷荔枝之腐亦鄙

甚矣藝文類聚八十七白孔六帖一百
御覽九百七十一枇杷又荔枝

漢安帝時有異物生于長樂宮延年殿後東廡柏樹及永巷南園

御覽合歡樹議者曰為芝草也羣臣皆賀受賜藝文類聚八十九
御覽九百六十

笏曰御覽作
引笏書君赦令記善刺過今之持版曰象焉初學記二十
六御覽六百

四十五又六
百九十二

淑清穆和之氣既宜醇醲之化既浹文選魏
都賦注

斧帳翠屏之不坐文選天台
山賦注

古之葬者松柏梧桐曰識其墳也文選潘安仁懷舊賦注阮籍詠
懷詩注陸機門有車馬客行注

古詩繫車上東門注丘遲與陳伯
之書注陳琳為袁紹檄豫州注

喜怒哀樂好惡謂之六情文選文賦注

乘此風順此流而下走誰復能為此限者哉文選琴賦注

捷疾馳影響人間也文選贈白馬王彪詩注

築臺起功文選謝靈運還舊園詩注案此疑有天下者篇約文

聞上古之隱士或夫負妻戴弓入山澤伏重岫之內窟窮泉之底

文選陶淵明經曲阿詩注張景陽七命注

蕩蕩乎若昇天路而不知夫所登也子若昇天路也文選謝靈運入華子岡詩

注曹子建漢詩注與吳季重書注

疆者勝弱智者欺愚文選陸機塘上行注

事求絲髮之登文選鮑照白頭吟注

有軍興之大役焉有凶荒之殺用焉如此則清修潔皎之士固當

食荼鹽膽枕藉荆棘文選謝元暉始出尚書省詩注

引之曰敎義文選任彦昇為卞彬謝脩卞忠貞墓啟注又奏彈劉整注

清如冰碧，潔如霜露，輕賤世俗，高立獨步。此士之次也。

文選曹子建與楊德

祖書注

節操凌高雲

文選石季倫思歸引序注

周禮，女巫掌歲時祓除疾病，禳者，潔也。于水上盥潔也。已者，社也。

邪疾已去，祈介祉也。

文選顏延年曲水詩序注

姦慝既弭，警蹕清夷。

文選顏延年曲水詩序注又王元長曲水詩序注

子長班固述作之士。

文選王文憲集序注

高光二祖之神武，遐際會而不能得。

文選于令升晉武革命論注

為音樂，則歌兒舞女千曹而迭起。

文選宣帝傳論注

探心測意，世加甚焉。

文選演連珠注

運籌于几案之前，而所制者乃百代之後。

文選石闕銘注

五位呂正方面。

文選石闕銘注

直道正辭，貞亮之節。

文選郭林宗碑文注

百夫之豪州曰千計

文選頭陀寺碑文注

曰一人之好惡裁萬品之不同

文選頭陀寺碑文注

規矩可模者師傳之德也

文選齊安陸王碑文注

救患赴急跋涉奔波者憂樂之盡也

文選齊竟陵王行狀注

昔秦用商君之法張彌天之網然陳涉大呼于沛澤之中天下響

應人不爲用者怨毒結于天下也

長短經政體

攻玉曰石淞布曰灰

御覽八百二十六

賜進士出身一品銜廣東等處提刑按察使司按察使兼管驛傳事務黃岡王毓藻校刊

全後漢文卷八十九終

全後漢文卷九十

烏程嚴可均校輯

王粲

粲字仲宣，山陽高平人。初辟司徒府，除黃門侍郎，不就。至荊州，依劉表。荊州平，曹公辟爲丞相掾，封關內侯。遷軍謀祭酒，進侍中。有《去伐論》集三卷，《漢末英雄記》十卷，《集》十一卷。

大暑賦

惟林鍾之季月，重陽積而上升。熹潤土之溽暑，扇溫風而至興。或赫熾已瘴炎，或鬱術而燠蒸。獸狼望已倚喘，鳥垂翼而弗翔。根生苑而焦炙，豈含血而能當。遠崑吾之中景，天地翕其同光。征夫瘳于原野，處者困于高堂。患衽席之焚灼，譬洪燎之在牀。起屏營而東西，欲避之而無方。仰庭槐而嘯風，風既至而如湯。氣呼吸已祛，汗雨下而沾裳。就清泉已自沃，猶渙浥而不涼。體煩茹已於悵。

心憤悶而窘惶于是帝后順時幸九嶷之陰岡託甘泉之清野御
華殿于林光潛廣室之邃宇激寒流于下堂重屋百層垂陰千廡
九闔洞開周帷高舉堅冰常奠寒饌代敘魏文類聚五初學
記三御覽三十四

雄風颯然兮時動帷帳之纖羅

書鈔一百
三十二

游海賦

含精純之至道今將輕舉而高厲游余心已覽觀兮且仿佯乎四
裔乘蘭桂之方舟浮大江而遙逝翼驚風已長驅集會稽而一憩
登陰隅已東望兮覽滄海之體勢吐星出日天與水際其深不測
其廣無臬尋之冥地不見涯洩章亥所不極盧敖所不屈洪洪洋
洋誠不可度也處嵎夷之正位兮同色號于穹蒼苞吐納之弘量
正宗廟之紀綱總眾流而臣下爲百谷之君王洪濤奮蕩大浪踊
躍山隆谷竄宛廩相搏懷珍藏寶神隱怪匿或無氣而能行或含
血而不食或有葉而無根或能飛而無翼鳥則爰居孔鵠翬翠鵲

鶴續紛往來沈浮翔翔魚則橫尾曲頭方日偃頤大者若丘陵小者重鈞石乃有賣蛟大貝明月夜光蠙璣瑇瑁金質黑章若夫長洲別島旗布星峙高或萬尋近或千里桂蘭藂乎其上海珊瑚周乎其趾羣犀代角巨象解齒黃金碧玉名不可紀

北堂書鈔一百三十七魏文類聚八

初學記六兩引又文選江賦注

浮淮賦

從王師曰南征兮浮淮水而遐逝背渦浦之曲流兮望馬丘之高瀝泛洪楊于中潮兮飛輕舟乎濱濟建眾檣曰成林兮譬巫山之樹藝于是迅風興濤波動長瀾潭隈湧沛涵溶鉦鼓若雷旌麾翳日飛雲天迴□□□□若鷹飄逸遞相競軼凌驚波曰高驚馳駭浪而赴質加丹徒之巧極美楊人之閑疾白日未移前驅已屈羣師按部左右就隊軸轡千里名卒億計運茲威曰赫怒清海隅之帶芥濟元勳于一舉垂休績于來裔

書鈔一百三十七一百三十八藝文類聚八初學記六

閑邪賦

夫何英媛之麗女、貌洵美而豔逸、橫四海而無仇、超遐世而秀出、
發唐棣之春華、當盛年而處室、恨年歲之方暮、哀獨立而無依、情
紛拏已交橫、意慘悽而增悲、何性命之奇薄、愛兩絕而俱違、排空
房而就衽、將取夢已通靈、目炯炯而不寐、心忉忉而惕驚、藝文類聚十八

關山介而阻險、

文選謝元暉覽使下都夜發新林贈西府同僚詩注書鈔一百三十六引王粲閑居賦當是閑邪之誤

願爲環已約腕、

出婦賦

既僥倖兮非望、逢君子兮弘仁、當隆暑兮翕赫、猶蒙眷兮見親、更
盛衰兮成敗、思情固兮日新、竦余身兮敬事、理中饋兮恪勤、君不
駕兮終始、樂枯黃兮一時、心搖蕩兮變易、忘舊姻兮棄之、馬已駕
兮在門、身當去兮不疑、攬衣帶兮出戶、顧堂室兮長辭、藝文類聚三十

傷天賦

惟皇天之賦命，實浩蕩而不均。或老終日，長世；或昏天而夙，浪物。雖存而人亡，心惆悵而長慕。哀皇天之不惠，抱此哀而何愬？求魂神之形影，羌幽冥而弗迁。淹徘徊，目想像，心彌結而紆縈。晝忽忽，其若昏；夜炯炯而至明。裁文類聚三十四

思友賦

登城隅之高觀，忽臨下目。翱翔行游，目于林中。覩舊人之故場，身既沒而不見。餘迹存而未喪，滄浪浩兮迴流，波水石激兮揚素精。夏木兮結莖，春鳥兮愁鳴。平原兮泱泱，綠草兮難生。超長路兮逶迤，實舊人兮所經。身既逝兮幽駭，魂眇眇兮藏形。裁文類聚三十四

寡婦賦

闔門兮卻埽，幽處兮高堂。提孤孩兮出戶，與之步兮東廂。顧左右兮相憐，意悽愴兮摧傷。觀草木已敷榮，感傾葉兮落時。人皆懷兮歡豫，我獨感兮不怡。日掩曖兮不昏，明月皎兮揚暉。坐幽室兮無

爲登空牀兮下幃涕流連兮交頸心懣結兮增悲

藝文類聚三十四

欲引刃而自裁顧弱子而復停

文選潘岳寡婦賦注

初征賦

違世難已迴折兮超遙集乎蠻楚逢屯否而底滯兮忽長幼已羈
旅賴皇華之茂功清四海之疆宇超南荆之北境踐周豫之末畿
野蕭條而騁望路周達而平夷春風穆其和暘兮庶卉煥已敷蕤
行中國之舊壤實吾願之所依當短景之炎陽犯隆暑之赫曦薰
風溫溫已增熱體熒熒其若焚

藝文類聚五十九

登樓賦

登茲樓已四望兮聊暇日已銷憂覽斯宇之所處兮實顯敞而寡
仇挾清漳之通浦兮倚曲沮之長洲背墳衍之廣陸兮臨皋隰之
沃流北彌陶牧西接昭丘華實蔽野黍稷盈疇雖信美而非吾土
兮曾何足已少留遭紛濁而遷逝兮漫踰紀已迄今情眷眷而懷

歸兮孰憂思之可任。憑軒檻以遙望兮。向北風而開襟。平原遠而
極目兮。蔽荆山之高岑。路逶迤而脩迥兮。川既濶而濟深。悲舊鄉
之壅隔兮。涕橫墜而弗禁。昔尼父之在陳兮。有歸歟之歎音。鍾儀
幽而楚奏兮。莊舄顯而越吟。人情同于懷土兮。豈窮達而異心。惟
日月之逾邁兮。俟河清其未極。冀王道之一平兮。假高衢而騁力。
懼匏瓜之徒懸兮。異井渫之莫食。步棲遲以徙倚兮。白日忽其將
匿。風蕭瑟而竝興兮。天慘慘而無色。獸狂顧以求羣兮。鳥相鳴而
舉翼。原野間其無人兮。征夫行而未息。心悽愴以感發兮。意忉忉
而惜惻。循階除而下降兮。氣交憤于胸臆。夜參半而不寐兮。悵盤
桓以反側。

文選載文類
聚六十三

羽獵賦

遵古道以游豫兮。昭勸助乎農圃。用時隙之餘日兮。陳苗狩而講
旅。濟漳浦而橫陣。倚紫陌而竝征。樹重園于西阡。列駿騎乎平垆。

相公乃乘輕軒，駕四駟，駙流星，屬繁弱，選徒命士，咸與竭作，旌旗雲擾，鋒刃林錯，揚暉吐火，曜野蔽澤，山川于是搖蕩，草木爲之摧撥，禽獸振駭，魂亡氣奪，興頭觸系，搖足遇捷，陷心裂胃，潰腦破頰，鷹犬競逐，奕奕罪罪，下韝窮縲，搏肉噬肌，墜者若雨，僵者若坻，清野滌原，莫不殲夷。

藝文類聚六十六又初學記二十二引三條

酒賦

帝女儀狄，旨酒是獻，苾芬享祀，人神式宴，翫樂必時，良工從試，辯其五齊，節其三事，醞沈盎泛，清濁各異，章文德于廟堂，協武義于三軍，致子弟之孝養，糾骨肉之睦親，成朋友之懽好，贊交往之主賓，旣無禮而不入，又何事而不因，賊功業而敗事，毀名行以取誣，遺大恥于載籍，滿簡帛而見書，孰不飲而羅茲，罔非酒而惟事，昔在公旦，極茲話言，濡首屢舞，談易作難，大禹所忌，文王是報，暨我中葉，酒流猶多，羣庶崇飲，日富月奢。

藝文類聚七十二
曹鈔一百四十八

神女賦

惟天地之普化何產氣之淑真陶陰陽之休液育天麗之神人稟
自然已絕俗超希世而無羣體纖約而方足膚柔曼已豐盈髮侶
玄鑒鬢類削成質素純皓粉黛不加朱顏熙曜匪若春華口譬含
丹目若瀾波美姿巧笑靨輔奇葩戴金羽之首飾珥照夜之珠璫
襲羅綺之黼衣曳縟繡之華裳錯繽紛已雜佩珪璫煥而焜煌退
變容而改服冀致態已相移發筵對兮倚牀垂稅袿裳兮免簪笄
施華的史記索隱作玄的今結羽釵揚娥微阿懸藐流離婉約綺媚舉動
多宜稱詩表志安氣和聲探懷授心發露幽情彼佳人之難遇真
一遇而長別顧大罰之淫愆亦終身而不滅心交戰而貞勝乃回
意而自絕楚文類聚七十九書鈔一百三十五文選潘岳寡婦賦注史記五宗世家索隱御覽三百八十一又七百十九

投壺賦

夫注心銳念自求諸身投壺是也御覽七百四十三

園碁賦序

清靈體道稽謨玄神園碁是也御覽七百五十三

彈碁賦序

因行騁志通權達理六博是也御覽七百五十四

迷迭賦

惟遐方之珍草兮產崑崙之極幽受中和之正氣兮承陰陽之靈

休揚豐馨于西裔兮布和種于中州去原野之側陋兮植高宇之

外庭布萋萋之茂葉兮挺苒苒之柔莖色光潤而采發兮已孔翠

之揚精藝文類聚八十一

瑪瑙勒賦

遊大國已廣觀兮覽希世之偉寶總眾材而課美兮信莫臧于瑪

瑙被文采之華飾雜朱綠與蒼皐于是乃命工人裁曰飾勒因姿

象形匪彫匪刻厥容應規厥性順德御世嗣之駿服兮表駉驥之

儀式

藝文類聚八十四御覽三百五十八又八百八

車渠碗賦

侍君子之宴坐覽車渠之妙珍挺英才于山岳含陰陽之淑真飛輕縹與浮白若驚風之飄雲光清明已內曜澤溫潤而外津體貞剛而不撓理脩達而有文雜玄黃已爲質侶乾坤之未分兼五德之上美超眾寶而絕倫

藝文類聚八十
四御覽八百八

援柔翰已作賦

文選左思
詠史詩注

槐樹賦

惟中唐之奇樹稟自然之天姿超疇畝而登殖作階庭之華暉形禕禕曰暘條色采采而鮮明豐茂葉之幽諶履中夏而敷榮既立本于殿省植根抵其弘深鳥願棲而投翼人望庇而披襟

藝文類
聚八十

八初學記
二十八

桺賦

昔我君之定武，改天屈而徂征。元子從而撫軍，值嘉木于茲庭。歷
春秋以逾紀，行復出于斯鄉。覽茲樹之豐茂，紛旖旎以修長。枝扶
疏而覃布，莖慘梢以奮揚。人情感于舊物，心惆悵以增慮。行游目
而廣望，覩城壘之故處。悟元子之話言，信思難而存懼。嘉甘棠之
不伐，畏取累于此樹。苟遠迹而退之，豈駕遲而不屢。藝文類聚八
十九初學記

二十

白鶴賦

上白翎稟靈龜之修壽，資儀鳳之純精。接王喬于湯谷，駕赤松于
扶桑。食靈岳之瓊藥，吸雲表之露漿。藝文類
聚九十

鵲賦

惟茲鵲之爲鳥，信才勇而勁武。服乾剛之正氣，被淳駝之質羽。愬
晨風以羣鳴，震聲發乎外宇。屈廉鳳與猛節，超羣類而莫與。惟膏
薰之焚銷，固自古之所咨。逢虞人而見獲，遂因執乎縹壘。賴有司

之圖功不開小而漏微令薄軀已免害從孔鶴于園淵

藝文類聚九十

鸚鵡賦

步籠阿目躑躅叩眾目之希稠登衡餘目上干噉哀鳴而舒憂聲
嚶嚶已高厲又慘慘而不休聽喬木之悲風羨鳴友之相求日奄
謫已西邁忽逍遙而既冥就隅角而斂翼倦獨宿而宛頸

藝文類聚九十

鶯賦

覽堂隅之籠鳥獨高懸而背時雖物微而命輕心悽愴而愍之日
奄謫已西邁忽逍遙而既冥就隅角而斂翼春獨宿而宛頸歷長
夜已向晨聞倉庚之羣鳴春鳩翔于南營戴鶯集乎東榮既同時
而異憂感類而傷情

藝文類聚九十二

爲劉荊州諫袁譚書

天降災害禍難殷流初交殊族卒成同盟使王室震蕩彝倫攸斁

是曰智達之士莫不痛心入骨傷時人不能相忍也然孤與太公志同願等雖楚魏絕邈山河迴遠戮力乃心共獎王室使非族不干吾盟異類不絕吾好此孤與太公無貳之所致也功績未卒太公殂隕賢胤承統目繼洪業宣奕世之德履丕顯之祚摧嚴敵于鄴都揚休烈于朔土顧定疆宇虎視河外凡我同盟莫不景附

案

太公殂隕至此魏氏春秋作尊公殂隕四海悼心賢胤承統遐邇屬望咸欲展布臂力目投盟主雖亡之日猶存之願也何悟青蠅飛于竿旌無忌游于二壘使股肱分成二體旬宵絕爲異身初聞此問尚謂不然定聞信來乃知閼伯實沈之忿已成棄親卽讎之計已決旃旆交于中原暴尸累于城下聞之哽咽若存若亡昔三王五伯下及戰國君臣相弑父子相殺兄弟相殘親戚相滅蓋時有之然或欲已成王業或欲已定霸功皆所謂逆取順守而徼富強于一世也未有棄親卽異兀其根本而能全于長世者也

魏氏春秋作而能崇業繼功垂祚後世者也

昔齊襄公報九世之讎士句卒苟偃之事

是故春秋美其義。君子稱其信。夫伯游之恨于齊。未若太公之忿于曹也。宣子之臣承業。未若仁君之繼續也。且君子違難不適。讎國交絕。不出惡聲。況亡先人之讎。棄親戚之好。而爲萬世之戒。遺同盟之恥哉。蠻夷戎狄。將有誹議之言。況我族類而不痛心耶。夫欲立竹帛于當時。全宗祀于一世。豈宜同生分誼。爭校得失乎。若冀州有不弟之憾。無慚順之節。仁君當降志辱身。目濟事爲務。事定之後。使天下平其曲直。不亦爲高義耶。今仁君見憎于夫人。未若鄭莊之于姜氏。昆弟之嫌。未若重華之于象。敖然莊公卒從大隧之樂。象敖終受有鼻之封。願捐棄百疴。追攝舊義。復爲母子如初。今整勒士馬。瞻望鵠立。後漢袁紹傳注云。書見王粲集。又魏志袁紹傳注引魏氏春秋有剛節。天篤降害。禍亂殷流。尊公殂殞。四海悼心。賢胤承統。遐邇屬望。咸欲展布旅力。目投盟主。雖亡之日。猶存之願也。何寤青蠅飛于干旄。無極游于二墨。使股肱分爲二體。背脊絕爲異身。昔三王五伯。

下及戰國父子相殘蓋有之矣然或欲曰成王業或欲曰定霸功
或欲曰顯宗主或欲曰固家嗣未有親卽異其本根而能崇業
濟功垂祚後世者哉若齊襄復九世之讎士勾卒荀偃之事是故
春秋美其義君子稱其信夫伯游之恨于齊未若文公之忿曹宣
子之成業未若仁君之繼統也且君子之違難不適讎國豈可忘
先君之怨棄至親之好爲萬世之戒遺同盟之恥哉冀州不弟之
傲旣已然矣仁君當降志辱身曰匡國爲務雖見憎于夫人未若
鄭莊之于姜氏兄弟之嫌未若重華之象傲也然莊公有大隧之
樂象受有鼻之封願棄捐前忿遠思舊義復爲母子昆弟如初

袁紹傳注引魏氏春秋與後漢書小異今並錄之

爲劉荊州與袁尙書

表頓首頓首將軍麾下勒整六師芟計暴虐戎馬廝養罄無不宜
甚善甚善河山阻限狼虎當路雖遣驛使或至或否口使引領告

而莫達初聞郭公則辛仲治通內外之言造交遘之際使士民不
協茲讟竝作聞之謬然爲增忿怒校尉劉堅皇河田買等前後到
荆得二月六日所起書又得賢兄貴弟顯雍及審別駕書陳敘事
變本末之理知變起辛郭禍結同生追關伯實沈之蹤忘棠棣死
喪之義親尋干戈僵死流血聞之哽咽若存若亡乃追案書傳思
與古比昔軒轅有涿鹿之戰周公有商奄之軍皆所已翦除災害
而定王業者也非強弱之爭喜怒之忿也是故滅親不爲尤誅兄
不傷義也今二君初承洪業纂繼前軌進有國家傾危之慮退有
先公遺恨之責當惟曹氏是務不爭雄雌之勢惟國是康不計曲
直之利雖蒙塵垢罪下爲隸圉圉入汙泥猶當降志辱身方已定
事爲計何者夫金木水火已剛柔相濟然後克得其和能爲民用
若使金與金相迂火與火相燂則燠然摧折俱不得其所也今青
州天性峭急迷于目前曲直是非昭然可見仁君智數弘大綽有

餘裕。當曰大包小。曰優容劣。歸是于此。乃道敷之和。義士之行也。縱不能爾。有難忍之忿。且當先除曹操。曰卒先公之恨。事定之後。乃議兄弟之怨。使記注之士。定曲直之評。不亦上策耶。且初天下起兵。曰尊門爲主。是曰眾寡。喁喁莫不樂袁氏之大也。今雖分裂。有存有亡。嚮然景附。未有革心。若仁君兄弟能悔前之謬。克已復禮。曰從所驢。則弱者自曰爲強。危者自曰爲寧。誠欲勦力長驅。共獎王室。雖亡之日。猶存之願。則伊周不足參。五伯不足六也。若使迷而不返。遂而不改。則戎狄繼夷。將有誚讓之言。況我同盟。復能勦力爲君之役哉。則是太公墳壠。將有汙池之禍。夫人弱小。將有滅族之變。彼之與此。豈可同日而論之哉。且行違道。曰自存。猶尙不可。況失義。曰自亡。而遺敵之禽哉。此韓盧東郭。自困于前。而遺田父之獲也。昔齊公孫竈卒。晏子知子期之不免也。故曰二惠競爽。猶可。又弱一箇。姜氏危哉。表與劉左將軍。及北海孫公佑共說。

此事未嘗不痛心入骨相爲悲傷也今整勒士馬憤踊鶴立冀聞
和同之聲約一舉之期故復遣信并與青州書若其泰也則袁族
其與漢升降乎若其否也則同盟永無望矣臨書愴恨不知所言
劉表頓首章樵注本古文苑十韓元吉本無又見後漢袁紹傳注
引魏氏春秋章懷云書見王粲集又見魏志袁紹傳注
並有剛節

爲荀彧與孫權檄

故使周曜管容李恕張涉陳光勳之徒將帥戰士就渤海七八百
里陰習舟楫四年之內無日休解今皆擊擢若飛回柁若環者也
北堂書鈔一百三十七又一百三十八

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷九十終

全後漢文卷九十一

烏程嚴可均校輯

王粲二

七釋

潛虛丈人違世遁俗恬淡清玄渾沌淖樸薄禮愚學無爲無欲均同死生混齊榮辱于是口口大夫聞而歎曰蓋聞君子不曰仕易道不曰身後時進德脩業與世同理今子深藏其身高栖其志外無所營內無所事

魏文類聚五十七

道在養志實氣將定其氣莫先五味

書鈔一百四十二

凍縹玄酎醴白腐清

書鈔一百四十八

霜熊之掌文鹿之茸

書鈔一百四十二

鼃羹蠃臠

書鈔一百四十二又一百四十四御覽三百六十一作鱖臠

晨鳧宿鷄五黃擣珍口

腸口口

書鈔一百四十二

肴日多品羞日珍名脯鮪桂蠹石菱瓊晶體寒鮑熱異和殊馨

乃有西旅游梁御宿青粲瓜州紅藕參糅相半軟滑膏潤入口流

散

書鈔一百四十二又一百四十四
初學記二十六卿覽八百五十

邯鄲才女三齊巧士名唱秘舞承閑竝理七盤陳于廣庭疇人儼

其齊俟揄皓袖日振策竦并足而軒跣邪睨鼓下伉音赴節安翫

足日徐擊馭頓身而傾折翩颿微霍亂精蕩神巴渝代起鞞鐸響

振

魏文類聚五十七文
選文賦注又舞賦注

農功既登玄陰戒寒乃致眾庶大獵中原植旌拊表班授行曲絙

網連置彌山跨谷流鋒四射畢罕橫厲奮千芟而稍繫弛鷹犬日

搏噬弦不虛控矢不徒注僵禽連積隕鳥若雨

魏文類聚五十七
卿覽三百五十三

麗才美色希世特立豐膚曼肌弱骨纖形鬢髮玄鬢脩項秀頸紅

顏照曜睚若茗榮戴明中之羽雀離華鎗之威猗珥照夜之雙璫

煥焞燭日垂暉

書鈔一百三十六
魏文類聚五十七

揚娥眉而順止御覽三百六十八

聖人在位時邁其德先天弗違稽若古則徽哲文明允恭玄塞登俊乂于壝畝舉賢才于仄微置彼周行列于邦畿九德咸事百僚師師于是四海之內咸變時雍普天率土比屋可封是曰棲林隱谷之夫逸迹放言之士鑒乎有道貧賤是恥疏文類聚二十七

休風偃物淳化玄通北堂書鈔十

聲暨海外同上

太廟頌

思皇烈祖時邁其德肇啟洪源貽宴我則我休厥成聿先厥道丕明丕欽允時祖考

於穆清廟翼嚴休徵祁祁髦士厥德允升懷想成位咸奔在宮無思不若永觀厥崇

綏庶邦和四字九功備彝樂序建崇牙設璧羽六桴奏八音舉昭

大孝衍妣祖念武功收醇祐

初學記十三

靈壽杖頌

茲杖靈木已介眉壽奇榦貞正不待矯輳據貞斯直杖之爰茂

文藝

類聚六十九

正考父讚

恂恂正父應德孔盛身為國卿族則公姓年在耆耄三葉聞政誰能不息申慈約敬饘粥予口偃僕受命名書金鼎祚及後聖

初學記十七

反金人贊

君子亮直行不柔辟友賤不恥誨焉是益我能發蹤彼用遠迹一言之賜過乎璵璠末世不敦義與茲易而言匪忠退有其譴

藝文類聚

九十

難鍾荀太平論

據藝文類
聚引帝下
堯字當作
舜

聖莫盛于堯而洪水方割丹朱淫虐四族凶佞矣帝堯因之而三
苗畔戾矣禹又因而防風爲戮矣此三聖古之所大稱也繼踵相
承且二百年而刑罰未嘗一世而乏也然則此三聖能平三聖能
平則何世能致之乎孔子稱曰唯上智與下愚不移不移者丹朱
四凶三苗之謂也當紂之世殷罔不小大好草竊姦宄周公遷殷
頑民于洛邑其下愚之人必有之矣周公之于三聖不能踰也三
聖有所不化矣有所不移矣周公之不能化殷之頑民所可知也
苟不可移必或犯罪罪而弗刑是失所也犯而刑之刑不可錯矣
孟軻有言盡信書不如無書有大而言之者刑錯之屬也豈億兆
之民歷數十年而無一人犯罪一物失所哉謂之無者盡信書之
謂也

藝文類聚十一

爵論

依律有奪爵之法此謂古者爵行之時民賜爵則喜奪爵則懼故

可已奪賜而法也。今爵事廢矣。民不知爵者何也。奪之民亦不懼。賜之民亦不喜。是空設文書而無用也。今誠循爵。則上下不失實。而功勞者勸。得占之道。合漢之法。已貨財爲賞者。不可供。已復除爲賞者。租稅損減。已爵爲賞者。民勸而費省。故古人重爵也。甄文類聚

五十

爵自一級轉登十級而爲列侯。譬猶秩自百石轉遷而至于公也。而近世賞人者。皆不由等級。從無爵封列侯。原其所已爵廢故也。司馬法曰。賞不踰時。欲民速得爲善之利也。近世爵廢。人有小功。無已賞也。乃積累焉。須事足乃封侯。非所已速爲而及時也。上觀古高祖封功臣。及白起衛鞅皆稍賜爵。而五大夫客卿庶長已至千侯。非一頓而封也。夫稍稍賜爵。與功大小相稱。而俱登。旣得其義。且侯次有繼。使慕進者遂之不倦矣。御覽百九十八

儒吏論

士同風于朝農同業于野雖官職務殊地氣異宜然其致功成敗
未有相害而不通者也古者八歲入小學學六甲五方書計之事
十五入大學學君臣朝廷王事之紀則文法典誥具存于此矣至
乎末世則不然矣執法之吏不闢先王之典摺紳之儒不通律令
之要彼刀筆之吏豈生而察刻哉起于几案之下長于官曹之間
無溫裕文雅自自潤雖欲無察刻弗能得矣竹帛之儒豈生而迂
緩也起于講堂之上遊于鄉校之中無嚴猛斷割自自裁雖欲不
迂緩弗能得矣先王見其如此也是以博陳其教輔和民性達其
所壅祛其所蔽吏服雅訓儒通文法故能寬猛相濟剛柔自克也
藝文類聚五十二
御覽六百十三

三輔論

湘潛先生江濱逸老將集論雲夢玄公豫焉先生稱曰蓋聞戎不
可動兵不可揚今劉牧建德垂芳名烈既彰矣曷乃稱兵舉眾殘

我波靈逸老曰是何言與天生五材金作明威長沙不軌敢作亂
違我牧覩其然乃赫爾發憤且上征下戰去暴舉順州牧之兵建
拂天之旌鳴振地之鼓玄曹曜日犀甲如堵曰此眾戰孰能嬰御
劉牧之懿子又未聞乎履道懷智休迹顯光灑埽羣虜艾撥穢荒
走袁術于西境截射貢乎武當過孫堅于漢南追揚定于析商

類聚五十九

安身論

蓋崇德莫盛乎安身安身莫大乎存政存政莫重乎無私無私莫
深乎寡欲是曰君子安其身而後動易其心而後語定其交而後
行然則動者吉凶之端也語者榮辱之主也求者利病之幾也行
者安危之決也故君子不妄動也必適于道不徒語也必經于理
不苟求也必造于義不虛行也必由于正夫然用能免或擊之凶
厚自天之佑故身不安則殆言不順則悖交不審則惑行不篤則

危四者存乎中則患憂接乎外矣憂患之接必生于自私而興于有欲自私者不能成其私有欲者不能濟其欲理之至也

務本論

古者之理國也曰本爲務八政之于民也曰食爲首是曰黎民時雍降福孔皆也故仰司星辰曰審其時俯耕籍田曰率其力封祀農稷曰神其事祈穀報年曰寵其功設農師曰監之置田畯曰董之黍稷茂則喜而受賞田不墾則怒而加罰都不得有游民室不得有懸耜野積踰冬奪者無罪場功過限竊者不刑所曰競之于閑藏也先王籍田曰力任力曰夫議其老幼度其遠近種有常時耘有常節牧有常期此賞罰之本種不當時耘不及節牧不應期者必加其罰苗實踰等必加其賞也農益地辟則吏受大賞也農損地狹則吏受重罰夫火之災人也甚于怠農慎火之力也輕于秬耘通邑大都嚴令則火稀無嚴令則燒者數非賞罰不能濟

也。藝文類聚
六十五

末世之吏負青旛而布春冬有觀農之名無賞罰之實。

荊州文學記官志

有漢荊州牧曰劉君稽古若時將紹厥績乃稱曰於先王之爲世也則象天地軌儀憲極設教導化敘經志業用建雍泮焉立師保焉作爲禮樂曰作其性表陳載籍曰持其志上知所曰臨下下知所曰事上官不失守民聽無悖然後太階平焉夫文學也者人倫之守大教之本也乃命五業從事宋衷所作文學延朋徒焉宣德音曰贊之降嘉禮曰勸之五載之間道化大行耆德故老綦母閭等負書荷器自遠而至者三百有餘人于是童幼猛進武人革面總角佩觿委介免胄比肩繼踵川逝泉涌疊疊如也兢兢如也遂訓六經講禮物諧八音協律呂修紀歷理刑法六路咸秩百氏備矣夫易惟談天入神致用故繫稱旨遠辭文言中事隱韋編三絕

固哲人之驪淵也。書實紀言而詰訓莊昧通乎爾雅則文意曉然。故子夏歎書昭昭若日月之明離離如星辰之行言昭灼也。詩十言志詰訓周書摘風裁興藻詞論喻溫柔在誦最稱衰矣。禮曰立體據事章條纖曲執而後顯採綴生言莫非寶也。春秋辨理一字見義五石六鬴曰詳備成文雅門兩觀曰先後顯旨婉章志晦原已達矣。尚書則覽文如詭而尋理則暘春秋則觀辭立曉而訪義方隱此聖文殊致表裏之異體者也。

天降純嘏有所底授臻于我君受命既茂南牧是建荆衡作守時邁滄德宣其丕繇厥繇伊何四國交阻乃赫斯威爰整其旅虔夷不若屢戡寇侮誕啟洪軌敦崇聖緒典墳既章禮樂咸舉濟濟搢紳盛茲階宇祁祁髦俊亦集爰處和化晉暘休徵時敘品物宜育百穀繁蕪勳格皇穹聲被四字

藝文類聚三十八御覽六百八

倣連珠

臣聞明主之舉也不待近習聖君用人不拘毀譽故呂尙一見而爲師陳平烏集而爲輔

臣聞記功誌過君臣之道也不念舊惡賢人之業也是呂齊用管仲而霸功立秦任孟明而晉恥雪

臣聞振鷺雖材非六關無呂翔四海帝王雖賢非良臣無呂濟天下

臣聞觀于明鏡則疵瑕不滯于軀聽于直言則過行不累乎身

文藝

類聚五十七

裴賓鐘銘

有魏匡國誕成天功底綏六合纂定庶邦承民靡戾休徵惟同皇命孔昭造茲衡鐘紀之呂三平之呂六口口允嘉氣齊允淑表聲韶和民聽呂睦時作裴賓永享遐福

无射鐘銘

案初學記无射作延賓今依銘文改

有魏匡國成功允章格于上下光于四方休徵時序人說時康述
茲衡鍾有命自皇三呂紀之六呂平之厥量孔嘉厥齊孔時音聲
和協人德同熙聽之无射用呂啟期

初學記
十六

硯銘

昔在皇頡爰初書契已代結繩民察官理庶績誕興在世季末革
藻流淫文不寫行書不盡心清甘澆散俗已崩沈墨運翰藻榮辱
是若念茲在茲惟玄是宅

藝文類聚五十八
初學記二十一

刀銘

侍中關內侯臣繁言奉命作刀銘及示呂其敘二報誠必朝氏之
刀而張常爲工矣輒思作銘謹奉陋不足覽

相時陰陽制茲利兵和諸色劑攻諸濁清灌鑿日數質象日王附
反載穎舒中錯形陸割犀兕水截鯢鯨君子服之式章威靈無日
不虔戒不在明

藝文類聚六十文選七命注初
學記二十二御覽三百四十六

弔夷齊文

歲夏秋之仲月從王師自南征濟河津而長驅踰芒阜之崢嶸覽
首陽于東隅見孤竹之遺靈心於悵而感懷意惆悵而不平望壇
宇而遙弔抑悲古之幽情知養老之可歸忘除暴之爲念絜已躬
曰騁志愆聖哲之大倫忘舊惡而希古退採薇自窮居守聖人之
清槩要旣死而不渝厲清風于貪士立果志于懦夫到于今而見
稱爲作者之表符雖不同于大道合尼父之所譽

藝文類聚
三十七

賜進士出身二品銜廣策等處提刑按察使司按察使兼管驛傳事務黃岡王毓藻校刊